

Službeni glasnik BiH, broj 80/09

Na osnovu člana 61. stav 2) Zakona o upravi ("Službeni glasnik BiH", broj 32/02), člana 35. a u vezi sa članom 8a. Zakona o putnim ispravama Bosne i Hercegovine ("Službeni glasnik BiH", br. 4/97, 1/99, 9/99, 27/00, 32/00, 19/01, 47/04, 53/07, 15/08, 33/08 i 39/08), a u vezi sa Informacijom o aktivnostima provedenim kod nadležnih organa i početku izdavanja biometrijskih putnih isprava, usvojenoj na 99. sjednici Vijeća ministara BiH, održanoj 24. septembra 2009. godine, ministar Ministarstva civilnih poslova BiH donosi

ODLUKU

O POČETKU IZDAVANJA PASOŠA SA BESKONTAKTNIM ELEKTRONSKIM-MEMORIJSKIM ELEMENTOM

Član 1. (Početak izdavanja)

Ovom Odlukom kao početak izdavanja pasoša sa beskontaktnim elektronskim memorijskim elementom-elektronskih pasoša, određuje se datum 15.10.2009. godine.

Član 2. (Zaduženje organa nadležnih za personalizaciju)

Zadužuje se Agencija za identifikaciona dokumenta, evidenciju i razmjenu podataka BiH, da sve zahtjeve za izdavanje putnih isprava zaprimljene od strane nadležnih organa počevši od 15.10.2009. godine u 07,00 časova po centralno-evropskom vremenu, personalizuje ličnim podacima u obrasce putnih isprava sa elektronskim memorijskim elementom - elektronskih pasoša.

Član 3. (Zaduženje organa nadležnih za izdavanje putnih isprava)

Organi nadležni za izdavanje putnih isprava, dužni su provoditi postupke, obradu zahtjeva i evidentiranje podataka za izdavanje pasoša sa elektronskim memorijskim elementom-elektronskih pasoša, po procedurama kako je to definisano zakonskim i podzakonskim aktima.

Član 4. (Realizacija Odluke)

Za realizaciju ove Odluke zadužuju se Agencija za identifikaciona dokumenta, evidenciju i razmjenu podataka BiH i organi nadležni za izdavanje putnih isprava.

Član 5.
(Izdavanje diplomatskih i službenih pasoša)

O početku izdavanja službenih i diplomatskih pasoša sa beskontaktnim elektronskim memorijskim elementom, donijet će se posebna odluka.

Član 6.
(Stupanje na snagu)

Ova Odluka stupa na snagu danom donošenja i biće objavljena u "Službenom glasniku BiH".

Broj 06-2-30-4-280/09
13. oktobra 2009. godine
Sarajevo

Ministar
Mr. **Sredoje Nović**, s. r.